

C 40

617

3 止

華嚴經略疏

第四卷


華嚴經搜玄記

四
下

番	號	書	名	冊	數	備	考
				全	第		
				冊	冊		

西山藏書

贈
西山五郎氏
大正二年十二月



8388

四上欠本不傳



華嚴經略疏卷第四末

第廿句中_有三初七明法身功德六根作用次
二明依正二法神通自在次一明佛因圓等諸
佛所證也第三十句可知第四十句有_二初二
自利後八利他第五十句可知第二五十句中
初卅答上淨願後離惡下卅句答種性初十從
正智出後得住持願智之用此有_二初三自利
後七利他第二十以外用依內成_{スル}即內德法也
於中初三三業德備次七三業攝化功能第三

十由前內德成實用外彰獨勝莫加故也於中
初二自利行次三利他方便次一自利德滿次
六利他德備第四十德彰故淨也初六自行無
染次四利他處無著第五十淨決定故究竟也
初六因行滿淨次四三身果滿淨四中初一化
一法二報第三六十句初十明化德後五十報
身德此皆法身德也佛事者能興大用化身攝
益相也初五利他方便次五利他正益後五十
中初十一無盡智用如海初一明所依法身次

十能依德用初四自利行後六利他行體第三
十常法初四自覺行滿次六覺他行備第四十
無量說佛法可知第五十常作佛事初四明於
淨土三業施化攝益次三現色等住持次二現
寶等莊嚴次一入定益諸菩薩亦可但默非定
也第六十堅固初五自分德圓次二勝進行廻
向次三脩成化益第四文九十句有三初卅答
上法身二問次卅答上音聲等口業下有卅答
佛智意業初十無礙住初三自行無礙次七利

他無礙第二十、寂勝莊嚴初三、三業體嚴次六、
三業用次一、利他德行滿第三、十自在正法可
知言、非不先覺諸佛正法、亦不住學地而成正
覺者、此有二意、一簡文中義、此中佛者非同小
乘佛、爲是其教因大佛也、二者將普賢義簡異
生信別門、其佛假使前後現成並同先覺並同
在究竟離其學地、及以不覺爲普賢法攝三世
自在故也、此意思之第四、十一不思議成正覺
初四、因圓次三、利他行成次四、三身具德滿成

佛也、十巧妙方便初四、自行後六、利他十佛事
可知、十法王初七、自利德次一、利他行次一、自
他二果相攝、無別耳、十住法初四、利他德次六、
起悲等用、無盡十、悉無有餘初三、知法界等無
餘次二、知染器世間次六、知出世因法等也、第
五文有七十句、初十答上神力一問次五十答
上無礙住次十答上解脫初十、勝力初列次釋
初四、自行成次六、他行備第十、中四住義佛所
住、即寂勝、我是佛住次、無礙即真空定、即聖住

次無礙心。即天住次大悲。即梵住也。十定可知。
 十法初五得世間善滿。次五出世行成。十清淨。
 法初六入因行後四入佛三身境界。十一切智。
 住離。郭相應不動也。初二知器性。次一總三輪。
 化下七別中。初二神通輪次。一正教輪次。三記。
 心輪。化十不可思議。三昧初二利他方便次。三。
 自利方便次。一利他純熟次。一自利行熟次。二。
 寂用解脫自在究竟十。無礙解脫初五。於一塵。
 中現諸佛轉法輪。教化次五。於現在攝二世佛。

他心意識到入佛
 若云云申云云。三輪
 云云。六才
 云云。四。二

三三三

佛有十種地

善丈夫佛地。百中

於一門中現也。又大乘同性經中佛有十種地。
 善丈夫佛地。有十一切菩薩及聲聞辟支佛等。
 所不能行何者。為十一名甚深難知廣明智德。
 地。二名清淨身分威嚴不思議明德地。三名善。
 明月幢。寶相海藏地。四名精妙金光功德神通。
 福德地。五名輪威藏明德地。六名虛空內清淨。
 無垢炎光開相地。七名廣勝法界藏明界地。八。
 名最淨善覺智藏能淨無垢無邊無礙智通地。
 九名無邊億莊嚴迴向能照明地。十名毗盧遮。

善丈夫此是如來名

五夫佛十地

那智海藏地善丈夫此是如來十地名號諸佛智慧不可具說善丈夫佛初地者一切微細習氣除故復一切法得自在故第二地者轉法輪故說深法故第三地者說諸聲聞法式故又復顯說三乘故第四地者說八萬四千法門故又復降伏四種魔故五地者如法降伏諸外道故又復降伏我慢及衆數故第六地者敎示無量衆生六通中故又復顯現六種大神通故謂現無邊清淨佛刹功德莊嚴顯現無邊諸佛刹中

從兜率天下託胎乃至法滅示現無邊種種神通第七地者爲諸菩薩如實說七菩提分無所有故復無所著故第八地者受一切菩薩阿耨多羅三藐三菩提四種記故第九地者爲諸菩薩善方便故第十地者爲諸菩薩說一切諸法無所有故復告令知一切諸法本來寂滅大涅槃故此應三乘耳

如來相海品第并九四門同上二釋名者佛相無窮故如海也今寄同人說卅二耳勝諸天故

說八十好也亦可應神耳此約三乘解今此文
是一乘相故如海也所以普賢說寄德無邊故
也問上不思議法品別告一人今何故不也答
上法是體顯勝故別告耳二來意者前體後相
故來也三宗者依二乘用卅二等諸大相爲宗
亦可增廣不同卅二相也卽如文辨相德爲體
耳四釋文者文有二初誠聽許說二廣辨此文
有二初略辨九十三種大人相次下總明十蓮
華藏世界大人相也前文初七項上相次名圖

滿下卅二嚴頂相次三眉間相眼鼻各一相舌
有四相斷齟一相大牙有四相齒有一相肩有
五相臂有一脇有一腹有七下分有一手有十
二馬藏有三脰有二踵有二毛端有一足有十
三二一相文四初列名二出體三光四光照被
益於緣分齊也

佛小相光明功德品第卅四門同上次第等上
已說小相者相形別德也所以佛自說者化身
之用惟佛方竊故亦可化身隨物劣令生信有

實德故佛自說也此文有二初總舉形好被益次如來足下有千輻下廣辨隨好攝益初文有四一列名二明用相三辨眷屬四舉往因辨用益影成如來小相德用難盡此有四文思之二廣中有六初辨形好攝益二汝等應當下敎往報恩及識因果三諸天子聞是音聲下興供養行四是故諸天子下敎發心悔過五說是法時下辨獲益轉更迴向六爾時諸天子下得益故傳通不絕也初文有二初辨相輪光照攝益此

有二可知二生天上已下勸成勝行勸中有二初正舉下況勸二諸天子盧舍那下舉勝利以示初文有三初正勸二天子讚美三重示重示有二初總舉德勸二如我下引喻以示有六喻中各二文可知第一喻法性無我喻二無有來者喻三無方住處喻四離作成善喻五法無方面喻六法無諸過喻第二敎住中有四初舉益以敎勸二天子其有下舉損示勸三汝昔下舉恩以示四諸天子下示法以勸也第三興供養

文有六一興供具二往三不見四天重示五重
生敬念六爾時天妙音下重教也於其內外各
有五百煩惱者十使十惡自相乘即成一百於
內五塵迷生五百於外五塵迷生五百也二萬
十千等者可解也第四教發心中有三初教發
心及悔過天子得益略有二句二時諸天子下
重問有二句三爾時天聲下答答文有四初示
悔儀有五句二譬如明淨下喻況有三句三譬
如幻師下釋伏疑四若如是下結教誨義第五

獲益文有二初明得益有二句二猶未能見下
結答分齊六爾時天子下展轉修行教軌不絕
有四初以香花等修供養行二爾時彼香雲下
自行熟已復敎攝餘人有四句三摩訶薩安住
如是下行益成故復轉益四左手持下舉喻以
況成觀境界也文中有四初舉喻廣大彰法難
信有三句二佛告寶手菩薩如星下法合成其
德用深廣三佛告寶手菩薩譬如千億下廣增
喻況四佛告寶手菩薩譬如定光下舉喻分齊

結法深廣此文難須思之且如釋迦佛爲菩薩時有一相益於一生益一衆生其一衆生展轉利益一切衆生並一生至離垢三昧如是一切衆生復利一切衆生如是盡窮後際下至徧徧化作如意珠亦利益盡窮後際菩薩一相既如是用當知佛相德用不可說佛一小相德既如是佛大相海准之可識文意如此餘相可知

普賢菩薩行品第卅一四門同上一釋名者行周法界云普體順調善稱賢菩薩是人行者明

性記

性記中云果
性記中云果

因行體從二義得名一來意者何故來有疑者云向前因果以何爲體依何以成爲決此疑也此卽第二自體因果此品是因性起是果此因果與上修成云何取別若約緣分齊取卽屬上離性泯始終卽屬此間上地中廣明離性此云何也答前欲攝別行爲趣體方便故也此中所明正是順理之行性也而無二體義不相是耳以緣盡緣以性卽並性也問性起絕言離相云何有因果有一意一爲經內因中辨性起

果中明性起故二也二性由不住故起起時離
相順法故有因果也問起時離與緣修何別答
緣修離緣則不成性起無緣卽不損故別也其
普賢行亦如性起分順修生也何故下云多法
所成出現於世也答此望解知非約性體也故
下數云若如是知也問若不知云何辨起答餘
觀異見故緣修卽不爾也第二又解攝前別行
成其普德以發性起故來也若作此解向屬修
生性起已下文入本有也問普賢行何位成答

實卽不依位就彼解位已去成爲上經文在解
已上說故餘准思攝三宗者二門分別約入約
法人體德用修生離始廣大異前耳二法是普
賢行法亦有體相用具有理教行果等也但義
異耳問此二品無定及加集衆云何有體相答
此二品體表在主爲彰法體極深廣故加集衆
等如地品初釋也法寄入顯故此人說也四釋
文者此文有四初序次正說三結會證成四偈
誦序文有二初舉略顯廣辨說分齊二何以故

下責三答答文意前對緣故局少也此體通緣
非緣故寬也亦可前緣修舉體從相故局此起
依相入體故寬也有此品攝本有修生修生本
有又前對一品二品機此即普也此總約五義
一位二根三事四病五行等也文有四初總辨
上說少意二愚癡衆生下別辨隨說意三爲如
是下結四佛子若菩薩下略出迷惑過失此廣
文意者前敎既大云何局爲一機答爲煩惱功
力其大小成大損上雖非小所治不輕故若望

普賢法界不名爲廣也此約瞋惑功能辨失若
約一切惑體時唯是皮肉心三惑也此中有六
一總辨失二責三略答四廣釋五結六重廣顯
廣有三可知百部約位有六初十信二不樂佛
法下十住鄢三離菩薩行下十行鄢四誹謗佛
法下鄢十廻向五不樂菩薩住下初地已上鄢
六不順三世佛即佛鄢此在十地終也理並通
耳二正說中有三可知第一文有六十句初五
十因行次十因中果前中初十十信二十十解

已上三十初地已上次并九地十地也理卽通
耳初十中前七自利法中修信次三利他中修
信也第二十初六自行次三利他淨次第十因
位淨第三十智次第配十地也第四十巧隨順
可知第五十直心前七九地相於中初二知根
次二知藥次二知順正證方便次一除鄣後三
十地相可知第六十巧便初四法身果次四報
身果次二化身果次是故下結勸修行有三可
知三證成可知有四初動地雨花此有二可知

二等通餘方三十方同證四復總結也第四頌
中有二初長行舉說意以生起第二正偈誦偈
文有一百廿一行初二總頌因行所說分齊次
廣歎普賢行德非誦前文又亦一行一句卽是
一德不須更科也此可思之文云與諸如來等
者因果俱無相因緣作及無作二發果力等故
也過本卽未來二世等者因此集果義但三世
一相故十信卽諸位也如是一切但世相入者
卽不一世證法入現世不證位成比也此約爲

三乘別行成又九世自在攝受皆證也此約普
賢自在故爾因果等法並然准之若臨時變化
相入等不在此限宜可思之
審王如來性起品第卅二四門同上一辨名審
王者攝德自在爲王可貴名審也如來者如實
道來成正覺性者體起者現在心地耳此卽會
其起相入實也二來意者前普賢明能起之緣
次辨所起也三辨宗體者分別有一約入約法
人但本有異前法者如文耳問性起分齊云何

答此有二義一始終相對二闊狹相對明分齊
初始發心至佛性起終至大菩提大涅槃流通
舍利也闊狹頓悟及三乘始終出世至聲聞緣
覺世間下至地獄等諸位也仍起在大解大行
大見聞心中文義俱在下辨至當指釋問若聲
聞等有性起者何故文云於一處不生根答言
不生者不生菩提心性起牙不言無果葉若無
者微塵中不應有經卷准喻可知若細分別地
獄無果葉有體聲聞有體及果葉也四釋文者

所以性起問普賢說者顯器善勝法曠周也此
文有三初序二爾時普賢菩薩答下正說三爾
時十方下結說證成序文有五初眉閒放光發
起有二可知二爾時一切大衆下疑念生起三
爾時如來性起下明對佛欲請四時如來口中
下口中出光以示說者亦通加耳五爾時如來
性起問下正問發起初放光中有八業一請業
二因業三敬業四覺業五止業六降伏業七示
現業八卷舒業有一流星身也第二欲請中有

三初長行示現請儀二偈陳己意三結偈有五
初六偈歎佛德一善學下陳己所謂二大衆皆
淨下歎根勝妙四歎所說法五正覺下成所欲
意第四光示文有三初辨光同前二明所歸三
爾時普下明益相也第二正說文有三初示名
總答卽本分也二爾時如來性起問下重請卽
請分耳三爾時普賢菩薩告下卽說分也初本
中有三初舉先事二結說三辨益一請中初長
行次偈請長行中有四初總請二歎衆器熟三

仁者下歎說者堪能四善哉下結請歎器熟中
 有三初舉衆集二歎德三結集德中初自利德
 二大悲下利他德三說者堪能德中有二初自
 利二於諸佛法下利他德二偈文有二初長行
 生起二正偈誦偈文有三初二總歎說聽者德
 以請二有十三半正別請二十方下四歎衆會
 希有請別請中有二初問果次三問因果中初
 七半陳事次三歎德耳三說分有三初總歎二
 所以下責三非少因緣下廣答答中有二初由

多因成故不思議總歎二以十種無量下辨相
 有一初酬因問二佛子云何知見如來身下答
 上果問此初卽答上因問此文有二初總明十
 門二別解初文有四可知二別解文有二意一
 釋上十門二上十門中二門卽有二初長行次
 偈誦長行有二初辨因體二佛子菩薩又復應
 知下辨性起德用此或在知人或法也初辨體
 中有十幡初有二初釋次結釋有二初喻後合
 餘皆同此初明衆緣共起喻二大機堪受喻三

緣成離作喻四勝智善達喻五太用現前喻六
機感隨現喻七有二喻初名勝緣先濟喻二隨
欲所成喻此釋疑耳八成自太事喻九體用相
依喻十成益非虛喻此十中前三第四依緣辨
緣餘七約自體辨緣第二重誦中有二初長行
生後次偈誦偈中分九初二總歎性起無上次
八別歎校量性功德次十舉法以況也次二結
成體用自在次二示教知者次二勸聽辨說分
齊次二舉事許說次卅五正說次二教勸也正

說中初五結誦初喻二四誦第一次四誦第二
次三誦第四次三誦第五次三誦第六次二誦
第七中第二喻次四誦第七中第一喻次二誦
第八次二誦第九次三誦第十耳第二辨身此
次第答上果問有二初寄問起發二此菩薩知
見無量下答答中初長行次偈誦長行有四一
總答二責三略答四譬如下廣釋略中有二可
知廣內有二初辨法體二菩薩具足成就下辨
德用此用或屬知人或攝在法也餘十文相同

前一密身普攝喻二在緣無住喻三辦事利生
喻四中有一勝緣先濟喻二機感隨現喻五
潛用資成喻合中有三正合前喻二引光證
成三辨光利益六隨根殊現喻七身多感喻
八無思成事喻九大審攝德喻十攝治從願喻
第二偈誦初生起次正誦偈有卅二初四誦第
一喻次四誦第二次四誦第三次五誦第四次
四誦第五次四誦第六次四誦第七次五誦第
八次四誦第九次四誦第十問上來所辨多與

初同義云何也答由能德顯卽屬初因今此舉
能取所依止也三音聲有二初寄問二答答文
有二初總次別別中有二初長行次偈誦長行
有二初辦法體二菩薩知見音聲十種無量下
明德用亦二通謂能所也法體有十初文有五
初法次如呼響下喻三知見下合四譬如世
界下重喻示五如來妙音亦爾下合前喻無性
故順理後喻無性故具德第三合內初歎知見
勝次對法成解以合上喻耳此名聲無本性喻

二聲無自質喻三有用益生喻四隨根開解喻
五隨機感見喻六依緣異現喻七用無所依喻
亦可大用遍資喻八審根授果喻九大音具德
喻十隨益非虛喻第二偈誦有二初生起次誦
誦有卅偈四行誦一喻可知四菩提性起心有
二初寄問二答答內初法次喻問心意識非即
佛者何也此通二故故文云智無量故心亦無
量凡即可知喻中分二初長行次偈誦長行中
分二初辨十心法二菩薩如是下結知利益此

初喻名智無所依喻此何故約智辨答有二意
一爲一心體通滌淨故不約心二今論性起智
即是心約淨辨故也故文云智無依止也一智
無所依喻二性無增減喻三興用益生喻四智
審攝德喻五智用殄非喻六智堪含受喻問詳
其文相似言獨佛是性起何也答須知大意但
菩薩從他受教即是其果佛及菩薩能授他教
所有行德即屬其身也此思准之七堅固隨益
喻問樹生牙所況義云何答此不異何者在

一心中本有新生異耳。若爾與前衆生不耳而有性起。異義相違。答此各別門所以知爲別義中聲聞凡夫不知本性亦是性起。今此不知卽未性起得知別是異門。此約性起互說。故異前耳。又問二處相違。因何不成鉅楯。答一切善根有耶有正。但順菩提者無問人天善根等。並是性起。不順菩提者卽非性起。此約果處分麤細是以不違耳。八智用遍資喻九行不盡有喻亦行便留惑喻。十性通平等喻。此文有二初法次

喻後合餘文可知。第二偈中有二初長行生後次誦偈有卅七分。二初一總示識佛心餘結十喻。初三結第二次三誦第二次四誦第三次四誦第四次三誦第五次三誦第六次五誦第七次三誦第八次四誦第九次四誦第十五境界有二初寄問二答。答文有二初長行次偈誦初文有二初辨境體二饒益衆生下辨利益用次文有三初法次喻後合初法說有四初總舉佛境二非境界下辨佛境分齊三佛子一切衆生

無量下辨境深廣四佛子菩薩知心下約法定體以明深義二喻有三初佛境分齊喻第二境起因緣喻第三境界深廣喻也境界有二一所緣境二分齊境此通二也第二偈文有二初生起次正誦偈有十分四初二誦前法說次三誦初喻次六誦第一喻次四誦第三喻也六佛行有二初寄問二答答中初長行次偈誦長行有三初法說次譬如法界下譬況三佛子菩薩如是等下結德業用喻中有五各有譬合初二至

絕三際喻二業性無礙喻三用窮法界喻四起業濟生喻五無功成事喻第一誦中有一初生起次偈誦偈有十分五二偈誦一喻可知七菩提文有二初寄問二答答文有二初長行次誦長行有三初法次喻後佛子菩薩以如是下結其業用初法說有二初辨體二知處等下辨用亦可初自利次利他二就喻中有二各有喻合初名現機定器喻二至寂離性喻初合喻文有四一正合上喻二佛子一切佛下辨菩提離言

三佛子成菩提時下辨離言相四佛子如來身
中下釋離言用事三辨相文有三初釋相二佛
子隨如來下類以成法三如來具足下結成四
用事中有三一辨用事二皆悉一性下釋所以
耳三如是下結第二合喻有二初辨法二復次
佛子於一毛道下辨依法成初文有二初辨法
體二佛子如來成正覺已已下成身業用此文
有二初辨次結初法體文有二初辨次結初文
有二初正合上喻二佛子設有下有二初問答

假設類成二成解文有二初建萬像通體二復
次佛子下解自他各有三結可知二誦文有二
初長行生後次偈誦偈有十二分六初二結法
說次二誦初喻次二誦第二喻次二誦假類文
次二誦成身用次二總歎德用也八轉法輪有
二初寄問二答答文有二初長行次偈誦長行
有二初釋次結釋文有三初總辨體二譬如下
譬況廣辨三佛子答如是下結定損益初總辨
中有六初辨體二辨分齊三明所離四譬況五

釋成六類釋廣辨中有二初約體辨二復次佛
子下約用辨成初有二譬各有譬合初大音無
盡喻二大響遍周喻第二合文有三初立三責
三答可知二用辨成有五可知二誦文有二初
生後次誦偈有十分五初一誦總辨文次一誦
第一喻次二半誦第二喻次三半誦約用辨成
文次二總歎也九涅槃有二初寄問二答答文
有二初長行次偈長行有二初辨法體二復次
菩薩如是知涅槃下結知業用初文有二初法

總辨次喻廣釋初文有四初總約法勸知二出
涅槃體有三可知三佛子如來下明不說本涅
槃體但辨性起文有五可知四佛子但如來下
明說事相涅槃文有三可知二辨中有二初約
喻以辨二如來示現涅槃時下顯事用隨緣分
齊相也文有二釋結可知前喻有三各有譬合
法三文初現局體通喻二化窮盡滅喻三起用
隨機喻第二偈文有二初生後次偈誦偈有十
二分五初四誦第一喻次二誦第二喻次二誦

第三喻次四誦用隨緣文次二總歎耳十見聞
得益文有二初寄問二答答文有二初長行次
偈論長行有三初辨現未見聞流通益二爾時
諸菩薩下問經得名辨經文義持利儀式初文
有二初釋次佛子是爲下結前文有三初總法
說次譬況廣說三於如來下辨見聞功行廣大
難說此有三初立次責三答初法說中有四初
總辨成益不虛有二句可知二辨有中殊勝行
三成空中方便智四明窮其果位具足勝德譬

況廣文有二初辨現在體益二若有得經下未
來住持用也此有二可知初現在益文有三喻
初二喻譬所得福慧堅固行德後一喻性德勝
用前二喻者初喻行窮堅實難懷喻二名小智
能焚大或喻此等各有譬合也三者性起善巧
資成喻二問經名儀式等中有一初問次答答
文有五初示經名辨經義用二如是經典下明
所爲分齊三是故菩薩下舉益勸持四佛子菩
薩雖無量億下顯經要勝此文有二初辨損次

明益可知五佛子菩薩聞此經已下明教修益
方儀二所爲分齊中初法次喻後合誦中有三
初生起次誦偈有八分四初二總次二誦第一
喻次二誦第二喻次二誦第三喻第三爾時十
方下結說證成有二初長行次偈誦亦可此偈
是廣說中第二重誦耳初文有五初動地并雨
花有二初辨次結通二佛現身亦二可知三成
行益亦有二可知四明得力所以五菩薩雲集
爲證亦二可知二偈誦有二初長行說意二正

誦誦文有七分三初二總辦法深難以喻顯次
三歎聞法利益次二舉益勸持有三可知也
離世間品第卅三解行法相動靜無礙此會成
也四門同上釋名者離者行體淨義也世間
者所離之法世者時間者中但在時中者名世
間也二來意者有二一辨教興會來由此下第
三依緣修行成德分所以來者上既得法次須
依法就緣使修成行德故也故下二品文中皆
有勸辭故知二品來者前聖性現前欲得不與

凡其分齊次來也。三宗者分別有二。一約人人有正助。二人各有體相用問此。人與下知識人何異。答此是能宣敎人下知識是敎所詮法人也。准之二約法法。謂行法卽一乘道品也。三乘及小乘名數雖同。卅七而意義異也。廣如諸經一乘之行學亦有始。若依定學明始分齊者。若約迴心人卽用非至定及初禪定等爲學始。若據直進人卽用光得意言定爲初學始。若約一乘不共敎據行卽寂靜勝三昧爲初學始。若約行

德卽華嚴定爲初學始。若約行位卽十行位定爲初學始。若約人知識軌卽用師子奮迅定爲初學始。若約解信等卽用淨藏定等爲初學始。若約正解用性起法門爲初學始。若約解位卽十解位定爲初學始。此等約師向本實爲言頓悟人意言無分別起爲初也。餘可准知耳。四釋文有二分。初品明註法進修分。二入法界下明依人入證分。問何故對法不明入證。下約人左始入證答法。是所依善功由智若不依達機儀

勝人雖自有法未可得證也故律云知識全梵
行也問上來法及此成行並無聲聞下法界品
卽通辨聲聞何也答上法是頓此行亦頓爲此
無聲聞下法界中有二意一爲人有勝功引小
成大爲明人德故說小也二顯法界發心始通
二廻故此二品何故分二處說答祇桓重閣攝
化之始普光堂起行之初故也故上來明菩薩
起行發於普光下明文殊教化起作重閣也所
以知此重會別本云乃能重啟斯義門故知也

此文有七初序次入定三起四請五爾時普賢
告下正說六品未證成七偈誦初文有四初時
二佛三處四同聞衆處中有二初辨處二依處
成佛德何故於此歎德以因果淳熟功歸化主
故也又行相可貴故德文有二初總辨二自分
行三能與一切下利他行四同聞有二初總列
數歎德此初文有四初舉俱二略歎德有二初
簡始異終二簡新異舊三具足成就下別歎德
四具足如是下結二別歎德中有二初自分德

二於一念中下他分德自分中初自利二善攝
衆生下利他第二列名歎德中有二初列名此
略列所以此文菩薩名同普者爲行體順理成
無異相故也次歎德中有四初總二隨諸世下
攝法爲首行三悉能受持下護持正法行四隨
諸下示成大事行二入定中有三初入定二列
名三明定力所以此名華嚴定表行嚴果故三
明起定同前可知四請問中所以獨普慧爲法
先問彰今但以慧導行也復顯機廣大故但慧

華嚴定

發於體故普慧略問二百句行隨緣故普賢廣
答一千句也此中已下有十意故行教興一由
爲與勝人同行故二佛護念故三成就不可思
議諸善根故四具足菩薩根故五生佛家故六
得善知識力故七一切諸佛神力持故八盧舍
那佛本願力故九善根熟故十堪受普賢菩薩
行故也此文正在善知識通此品耳此可思准
之問中有三初總告二正問三善哉下總結請
也所以普賢答爲表行廣故此又有六卽六位

六位

也初卅句十信位次何等發普賢心下卅十住
位三何等爲持下卅句十行位四何等審住下
卅九句十迴向位五何等身業下五十句十地
位六何等觀察下五十一句問果位差別故別
本云願解說菩薩行從始至終令無疑也爾時
普賢告下第五說分廣答上六位也初十信位
中有三初九十句自分行滿二十種入下八十
句勝分行三十不可壞智下卅句利他行初九
十中初五十自利行二正希望下卅利他行三

十戒下卅當位因成果滿初依果者汎有四種
一國土等依果二習氣依前果生三習因習果
四因體相依因果此中不說前二也亦可說同
第一此可思准此文有二初八自分後二勝進
可知此等文中十皆有四一舉數二列名釋三
結四舉利初學唯除佛地及果法行更無異果
等法學故因果既立能解非勝智不成故明十
奇特想此中初八自分次二他分也既有大解
須起大行次明十行脩行之成必須依善友故

明十知識初一安固菩提心次二依道心成自利行次四依心成利他行次一依心成普賢行次一依大行入法界若不策勸無由進道次明十精進欲明精進合理明十希望前八自分後二勝進離偏名正耳依正希有力故辨十種成就衆生初一布施攝次二愛語次三同事次五利行由利生故惡無不離善無不積故明十戒既前德成故明十授記一有八十勝分行爲三初卅自行次卅入利行次卅入利他因果中既

自行成次入勝境也行勝故入十如來境也初一示成菩提次八三業利物次一入涅槃八中初四口次二身次二意用既入勝用須識前性故明十入衆生心行既識根次明所安處故明十入世界既得依處須識時修短故辨十入劫雖時自在說示不明理亦難可故辨十說三世既識時次明時中法故次辨三世間文言入世間者一知三法現時中故二入語法通義力故又有施設通情曰道故三入語義體性故四入

語義隨方施設故五入知語義想故六入語言
因故七知語言分齊故八入言義互轉無盡故
九知時中離染言義亦如是故十知時中性淨
故言義亦如是既達時中法得解益故第八十
捨離憂惱心無厭悔初四自利次五利他行次
一自他俱行第三利他內初成作事無悔其心
堅固次明十利他智不可壞初二利他次八自
利既有智故能持法次十陀羅尼前九持因法
次一持果法以持成就分解果法故次第三辨

說中佛化被於他初三報佛次三化次四法佛
此但一相解耳若依此經卽並通攝也第二普
賢心下答十解位問有三初五十句明解方便
二十清淨下七十句解位正修對治行三十說
法下八十句利他行初中大心爲本故發普賢
心初三護衆生心次三趣果智心次四默離有
爲心既大心成次成大行第二十普賢行初九
自分行法次一勝進行法大行既備次辨悲濟
物第三十大悲悲心既具次依悲明發心之具

第四十發菩提心因緣既大心成已次須依善友令增第五十近善知識前八起因行次一起果行解位第二有七十句爲三初卅明方便脩二隨順覺下卅明解成就三卅明所知法門差別以近善友故能遠諸或第一十清淨既離鄣故高昇彼岸第二十波羅蜜既行體成於所知中隨順覺達第三十隨順覺知既隨知已成知精立第四十決定知既決定多有堪能第五十力既智力堪能第六辨十平等既得理觀須起

智用第七辨十方優佛法句就第三利他八十句復爲三初卅正對緣說法顯辨才德備次十無著下卅辨無著智成次十句辨化德備足初既解已須起言說第一辨十說法既說已次須受持故第二十受持方法前七持因法次三持果法既受持已持諷誦須辨才由等無滯德相殊出第四辨十勝法前八方便修勝次二自在用勝正以德起勝能於境緣無執第五辨十無著以無著故成平等證第六辨十平等心前八

自分行中平等次二勝分行中平等心既得平等依證起後得智第七辨十出生智從後智起用第八辨十變化第三十持下三百句答上十行問有三初六十句勝入佛境鄣盡清淨二十不思議下九十句辨對治道成行德清淨二十園林下一百五十句當位修滿足也初中有三初十辨行體次廿入佛境界下卅句行成除鄣初持有四一因持果如種性持二果持因如地持加持等三果持因如地持等住持力益四心

境持如論此中通也既種性持成於法惛望不厭第二辨十正惛望正以惛法智成心徹無礙第三辨深入佛法初四約器世間明佛法次二衆生世間次三智正覺次一總法界爲佛法既入佛法緣無不實皆是起行所依第四辨十依止既有所憑於緣無懼故第五辨十無畏心正以於緣無懼自知得決定故第六辨十無疑心初三自行次四利他次三自他俱成第二有九十句治行成中有三初卅方便對治行次十正

智三昧三昧

十正受三昧
從定起通慧之所不覺

受三昧下卅行體等無礙次神通下卅行成作
用正以無疑於深法中智能解達故辨十不思
議又亦可無疑入深法故不思議也既得深智
解巧隨生故第二辨十巧方便能說微密語既
得密語復巧知入故第三辨十巧方便分別智
初二約器世間明智次六衆生世間次二智正
覺卽用常寂靜故第四辨十正受三昧從定起
通慧無所不達故第五辨十一切處正以處無
不在體遍無礙故第六辨十法門起用自在故

知起無明縛盡
十解脫

第七辨十神通在緣無不達故第八辨十明智
起無明縛盡故第九十解脫蘭林下第三行德
具足一百五十句有三初卅明報相具足二十
不動心下卅辨實解爲行本三十無垢下七十
句大用成滿初行用所依智遊境界故辨十蘭
林前七方便行次三果德既外遊已復須內安
故第二辨十宮殿以勝妙能出生道利爲物忻
樂故第三辨十樂樂心成已德發法師身故第
四辨十莊嚴前八方便行嚴次二淳熟行嚴第

二冊句中。行德嚴身。已行德堅固。故第一明不
動心。以行體堅於勝理。中心能窮達。故第二辨
十不捨深心。既深至難德。善能得理。故明觀察
既達。無遺於法。善能簡別。故第四辨十分別法。
第三七十中。有二初冊。明離鄣淨。次冊行德成
就。初辨十無垢智。故智行指定。故第二辨十智
印。問文云。知如來法。是文字。是智印者。約何義
說。答菩薩及佛各知法。無邊若用二聖相對時。
菩薩即不及佛。佛即過菩薩。所以者。爲法性體。

上二門具足。法爾。故此約一乘解也。既行不壞
照用無礙。故第三辨十智光明。智光無礙。旨無
不契。故第四辨十不可稱量住。以行體難勝。勇
猛無閒。故第五明十發無懈怠心。以策成。大心
決定。正向。故第六辨十須彌山王正直心。以正
心於內。決定不動於世間。中利他果成。故第七
辨十深入大海智慧。成二菩提。前八自行後二
利他也。第四十審住。下二百九十句。答上十迴
向。有三初一百一十明。十迴向。行體成就。離鄣

二十自在下，一百廿辨行相，自在無礙，三十遊神通，下七十辨行用，究竟初有，二初卅句行成，高栖彼岸，二十信下七十對治道成，離鄣清淨，初行稱理，成無住爲住，名寔住，既行與理合德，位堅固，故第二辨十發金剛心，大乘顯鄣果位，圓備，故第三辨十發大事，初三自利，次三利他，次四菩提果滿正，以佛事滿足衆行圓備，故第四辨十究竟大事，但前明發行後辨究竟有此異也，前八自分行成，次二他分行熟耳，第二十七

十句中，初卅明迴向行體，次卅能生出世間行，初十不壞信，初三三寔所不壞信，次二同行人所次，一衆生所次，四於法成不壞，以信成就，生在佛家，故第二辨十授記，既道種成就，向果必然，故第三辨十善根，初四迴向菩提，次四等諸菩薩迴向衆生，次二迴向菩提迴向位成，智用自在，故第四辨十智慧，初四自分行自在，次六他分行自在耳，以智用照明，曠周法界，故第五辨十無量廣心，初七自分行次，三勝分行智

用普周體施無外德窮海奧故第六辨十藏前
七自分行後三勝分行既積德備滿剛麤斯盡
故第七辨十調順初四勝分境中調次六自
行中順第二十自在下一百廿句辨行相自在
於中初十總辨自在二有一百一十句別辨自
在初中初五自勝進行此自在六位通有但約
生信勝劣爲異耳下一百一十中初別立十章
門一依章釋門中有五初二就依正以辨自在
次一約入法次二約境智第四約智用第五對

力用以顯二別辨釋中初釋次結初一衆生一
刹三法四身五願六境界七智八通九神力此
唯約色耳十力自在第三七十句中初廿行周
殊勝下無畏不共等五十明行德究竟初十遊
戲神通明善行轉變無礙以智用遊化卽體殊
妙故第二辨十勝行其德殊勝智力有餘故第
三辨十身前三因行後三果滿智力功德外無
所懼故第四辨十無畏智斷具足二乘不同故
第五辨十不共法小能與淨土爲因故第六辨

十業由德行堅固因第七辨十身第五十身業
下五百句答上十地因位所問相有四初一百
廿句辨正修行體寄在初地二十方便下九十
句辨造修離鄣淨二地已上三十離生下九十
句辨修淳熟德四地已上四十足下二百句辨
報相具足八地已上初文有三初廿句辨身業
次卅句辨口業下六十句辨意業初身廿句中
初十體次十別用相第二口業中初十辨體次
十辨口業因行初四自利次六利他口業善故

得諸神加護次十守護由護成內德能外化故
第四辨十大事第三意業六十句中初十意業
體下五十辨意業作用初體中初三利他次七
自利行既得體已須順理造修故第二辨十發
心發心行成終於法界故第三辨十滿心由正
智能生後得信等根故第四辨十根既行體立
解心當理故第五辨十直心既理觀開明契竅
實際第六辨十深心前九自行次一利他第二
九十句中初卅分明自行二十入衆生下卅利

他後十趣下卅辨自他行成初因行巧修故明
十方便以善巧方便而能忻求諸行故第二辨
十樂修由樂修故彰累斯人道味漸現故第三
辨十習氣道味漸增成其大用故第六辨十熾
然卽熾盛修也不動勝進無所不至皆合聖趣
故第七辨十趣既依正趣德行外彰故第八十
事具足佛法既得佛法須識退過故第九辨十
退失佛法初四利他行不成次六自利行不成
第三九十句中有三初卅句明因行體次十名

號下卅句辨行用差別三十無量道下卅句因
德成就初十離生者方便生死鄣盡也以順無
生行成堅固故第二辨十決定法初五自分後
五勝分行以自體堅固故第三辨十出庄佛法
以行成故德彰於時故第四辨十號以圓德顯
彰權滯斯盡自體虛通故第五辨十道此卽約
增數以明道體前道自體辨道境無量故第六
辨十無量道卽明分齊正以所觀道境界無量
故能觀道法亦無量更無別法亦可道之數也

道法既成次明前成之因卽第七也第八十修
道者十圓數故也卽辨策修方便第九十莊嚴
道者由別策修顯德故也又辨言無量道具者
起道因緣又攝在已能資於道故名具也無量
修道者攝法在已堪能進達故名修道無量莊
嚴道者衆行互相莊嚴故也此等始末真如所
流緣起若成故一處舉次第明之此等若從所
見則道法之道若攝在已卽道行之道故也十
足下第四一百句中有四初辨八地已上根行

淳熟外方使用二十腹下六十句辨報體差別
三十眼下六十句辨報用差別八地已上同佛
身業等故也初十足者運報之本進發之初造
用方便授自他故第二辨十手第二報體六十
中初十腹者總能容攝故以攝故復能蘊積故
第二辨十藏行用緣起斯從本實而立故第三
辨十心以德業成就互相嚴飾營發法身故第
四辨十莊嚴行德自嚴防殄諸過故第五辨十
器杖降諸魔等七衆行集起德成寂勝故第六

之字皆自注可矣

十意
明心...外

辨十頭次十眼六十句辨報相差別初行德
淨勝照了緣起故名十眼也初五即五眼後五
作用得名太論云無常實眼畏風大故不見他
方此常實眼自在見他方色也二天眼見二世
法三慧眼見信等根四法眼見一切法真實相
五佛眼見十力此等諸經亦不定次五可知既
有照用復能攝諸聲教故第一辨十耳十德備
故行受戒香故第三辨十鼻眾德聚成能宣示
軌故第四辨十舌行堅自在形無不現故第五

辨十身既色相外彰明心內發故第六辨十意
前九因行次一果行第四報用六十句中以法
身成立德用殊能威儀具足故明四威儀行也
造修方便須進發不住故第一辨十行法方便
進修有自分成立故第二辨十住行既立安固
不動故第三辨十坐初四自行德次六利他德
進行平等眾相承夷故第四辨十臥眾行既備
必有相應之境故第五辨十住前能住此明所
住法有所依法若行不無故第六辨十行法前

行始修故約念義爲行也次第六觀察下五百
一十句答上第六因圓果滿行德圓備義有一
初二百廿句辨因行究竟鄚盡清淨二十住境
率天下有二百九十句辨果德究竟此中等覺
及妙覺合明也初文有二初一百卅明因行成
就二十義下八十句辨方便脩順勝進義三十
魔下一百句辨因行成鄚盡清淨初一百卅句
有三初卅辨行方便二六十句大廣自利行體
次十慈下卅句辨四等利他行體初十觀察者

凡辨行相必須善達通塞故也初四自分利行
次六他分行法一徃不盡故第二辨十周遍觀
察所觀周悉行無不建威肅勇健故第三辨十
奮迅勇健無畏能決定說故第四辨十師子吼
既能宣說若自無內德無利物故次辨十施下
太廣自行體次第如攝論一施二戒三忍四精
進有三初四是勲勇第五是加行下五不下難
壞無足精進五定六慧次十慈下卅句利他行
體初十慈與樂意先故初二平等普攝次三令

離郭後五令行成次第二十悲第三十喜第四
十捨次十義下第二八十句辨方便勝進有二
初卅自分行成次卅句勝進修成初以義成行
也前七自分次三勝進如來義者順如來也第
二十法以法成行也第二十功德具者辨行因
緣後明成智慧因緣故第四辨十智慧具次卅
句者初十明足解心遊履諸法門既有進趣方
便必於三乘等法無厭故第二辨十求法行得
法在已善解明達故第三辨十明了善法行成

趣無上道故第四辨十向法第三辨因行郭盡
文有初二初五十句辨見佛行成入佛境也二十
慢下五十句入佛境界爲佛加護初五十中有
三初卅明道郭現前次十對治除郭次卅郭盡
見佛初十魔者於道有郭故次第二十魔業前
是體今此是力用有十一句前七自行不成次
三利他不立次一果德不滿然道郭交競不除
而自滅故第三辨十捨離魔業前七自分行成
後三勝進行立體礙既盡行入佛境故第四辨

信解以見

十見佛前信始解今行成故見也既得體相
應大用無方故第五辨十佛業後五十句佛加
被中有二初十句對治勝分鄧方便行成次三
十後鄧復起攝行在鄧三有十句果德加入佛
境界初慢業者軌道相迷於勝分故在初也識
鄧不起敬理重法故第二十智業若不識道相
卽隨有爲不免羈縛故第三辨魔所攝持以達
道相卽正覺開明故第四辨十佛所攝持以契
如實卽法被於已故第五辨十法攝持次第二

若不識道相卽隨有爲

達道相卽正覺開明

70

生死大果十段你

佛降誕
(三十九)

佛住兜率天等一百九十句辨果德滿足中有
四初冊辨因行勝進與波若法門相應二十生
下五十句明勝行自嚴建立自在三十出家下
六十句勝治行成鄧盡清淨四十覺如來力下
冊句明果德滿足佛事究竟初住兜率十事業
者自他俱利後邊行滿耳自他行滿已將欲處
緣攝化若不捨無有生死大果無由得達故第
二辨臨命終十示現事示現已次十事下降神
母胎所現難測有趣精淡故第三辨十微細趣

無生爲生故第二辨十生自下五十句第二從
母出生現世也初五自分次四勝進德相外彰
故第二辨十莊嚴衆德備集道超世表其行曠
周功無不建故第三辨十遊行七步其道始立
清淨無染故第四辨十現童子身若不在染何
能顯其清高故第五辨十現中宮處世不著緣
所非礙故第六辨十出家此下六十句明對治
行相以性離相邊緣不礙洮練身心熾然不懈
故第二辨十苦行捨離二邊隨順中道故第三

涅槃
息影
依緣
現沒

辨十住詣道場隨順中道攝果相應故第四辨
十坐道場攝果在已超昇獨絕故第五辨十奇
特善覺三昧等是後如來力中令將此欲超羣
惑顯智用圓明力故第六辨十降魔有爲生滅
不斷而自息大智真用不拂而自明故第四段
辨十如來力下卅句明之此卽解脫道中頓得
十力也此善覺三昧卽奇特中九也真相內第
三辨白法入衆生心同化旣畢息影歸真故第
四辨十涅槃卽十文耳亦可涅槃是常依緣

佛經
佛經
佛經

現沒故次明也。以後十句耳。佛子是爲大妙法門下。第六結證述成有二。初總次別別文。有三。初結勸修行。二佛子此經出生下。辨經名歎經德用。有三可知也。經名有四義。一行二解三所離四利他知文應知耳。三說此出生下。明兩華等證成。初文有三。初結法歎德。二佛子若衆生下。辨修行益。有三可知。三佛子是故下。明勸修。三說此出一切下。證成有三。初牒經名。二動地。三十方佛同歎。有三可知。同名佛對示普賢者。

明太行不虛也。第七重誦中有二。初長行生後次偈誦誦文有二百卅一偈。有二。初二總舉誠聽。第二下廣文有。三初一百卅九半總誦普賢二千答意。二常依如來智下卅二。正誦一千答。三菩薩修諸行下卅八半。誦結歎文。初有三。初有十四歎德深廣。非言可盡。二持衆生下六十。七菩薩德深故廣舉事況。三一身無邊際下十六偈半。正歎因果行相德用自在。二事況中有。二初五十六半。舉卅餘事喻因行差別。二菩

薩等如來下六偈況訖總明行相三菩薩悉成
就下四半結德勸聽一身無邊際下第二六十
半爲二初卅六偈半歎因行攝益二菩薩一念
中下卅歎果德攝自在前歎因行有二初十一
半歎自分因行入佛境界二示現種種下卅五
辨因行利用就卅五偈中初十八明他行自在
如是衆生下七明應機授法菩薩一念下果攝
益卅文有三初十四自他果德攝化二觀色如
聚沫下十一辨菩薩善達真性三廣入下五結

成功行利益其旨深奧寧可宣悉聊以一塵之
說以況玄趣耳次常依如來下第二有卅三誦
上二千答有六初四誦上十信位次四誦上十
住次六誦上十行次六誦上十迴向次清淨身
業下十誦上十地因位次觀察下十三誦上因
圓果滿佛事究竟次菩薩修諸行下第二有卅
八半誦上結文有二初卅二半結因果德自在
下六偈舉以勸修初文中初六半略結歎行用
自在下卅六廣辨行用自在卅六中初十六歎

因行自在，二淨身等虛空，下十歎果行自在，因
行中初二，歎意業，次四半，歎口業，下十，歎身業，
果行中初二，正歎果德，三業成就，次八，喻果自
在，第三，勸修中初二，總舉因果行德，次二，喻況
難盡，下三，勸修同會，莫二也。

華嚴經略疏卷第四

未終

宣宗御製